



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma :



Tir Yimym



tir_yimym



tir yimym

TAPAK 8

Tamil Nadu CM MK Stalin-i party ajak senden ayonger

Delhi Capitals nung Matthew Mott assistant coach kumogo



VOL. XXII ISSUE NO. 133 (ADOK 133) DIMAPUR RASEMNÜ (WEDNESDAY) TSÜKLAI (FEBRUARY) 26, 2025 ₹ 5.00

NECU-i CM Rio nem Honorary degree agütsü



Dimapur, February 25, 2025

(TYO): Nagaland Governor aser North East Christian University Visitor La Ganesan-i Chief Minister Neiphiu Rio nem Doctor of Letters (Honoris causa) atema Honorary degree agütsüogo.

NECU mezüngbuba convocation nung CM Rio-i lokti aser yimtenren tsütsü shilem tulu agiba atema Honorary degree agüja liasü.

"North-Eastern Christian University nungi Doctor of Literature, Doctor of Letters, Honoris Causa indang honorary degree agizükba atema kanga pelar aser tali ajemalushir" ta Chief Minister

Rio-i ashi.

"Iba ya nija alizüing ka atongba dang masü saka asenok külemi alima den tesentaktep yanglutsü tenangzükba aser asen nübortem ajungkettsü atema mangdang yur mapa balala inyakba atema anguba lir" ta pai ashi.

"Tanü asenoki Chief minister Neiphiu Rio nem Honorary degree agütsür aser pa lenisüba kübok state temaba jenjangi atutsü" ta Governor La Ganesan-ia ashi.

"University-i pai inyakbatem ajitetba dang masü saka pai asen nübor tarutsü atema bendanga agüja inyaktsü tamang akar" ta pai ashi.

Arambai Tenggol-i Manipur Governor den ajurutepe

Guwahati, February 25, 2025

(Agencies): Arambai Tenggol-i Mongulbarnü Manipur Governor Ajay Kumar Bhalla den ajurutepe memorandum ka agütsüogo aser iba nung Manipur nung yimjung bener arutsü atema takhangba onüktem dena lir.

Raj Bhavan nung Arambai Tenggol aser Governor tsüingda ghonda ka shi senden amen.

"Governor Bhalla-i onok dang national highways lapoktsü aser prangpong meyipa agütsüba maparen tembangba sülen tensa süngjemtsü nangzükogo" ta AT atema Public Relations Officer Robin Mangang Khwairakpam-i ashi.

Arambai Tenggol-i Governor nem agütsüba memorandum nung May 3, 2023 nü kin o kin tsüingda rara adokba ajanga Meitei/Meetei nunger taküm samaba, yiruba aser pei talidak toktür aotsüsa akümbsa shia lir.

Item tebilemstü atema state sorkari ozüing alema arurtem noktangtsü atema arrtsü atsüdangtsüla ta Arambai Tenggol-i ashi.

Parnokisa 1951 nung base

year ama National Register of Citizens (NRC) mapa küma inyaktsü takhangba agütsüogo.

Manipur nung ozüing alema arua alir ajak pei pei taruleni meyipa yoktsüla aser telungpur maparen azüoktsü atema Suspension of Operation (SoO) agientsüla ta AT-isa takhangba agütsü.

SoO alema inyakshangshiba telungpurtem ozüing tapet agi merenshitsüla aser SoO alutem ajak raksaa endoktsüla ta Arambai Tenggol-isa ashi.

Parnokisa ozüing alema arua alirtem dang nungi Scheduled Tribe (ST) jenjang agientsü aser Arambai Tenggol dena village volunteers pua marutsü saka kümzüka ayutsü takhangba agütsüogo.

Manipur nung tenemlen aser lendenlen ajak nung maparen kasa inyaktsü atema Manipur Land Revenue and Land Reforms Act, 1960 yanglushitsüla aser Meitei/Meetei nunger nem ST jenjang agütsütsüla ta Arambai Tenggol-isa Governor nem agütsüba memorandum nung shia lir.

Governor Ganesan-i North East Christian University yaritsü nangzük

Dimapur, February 25, 2025

(TYO): North East Christian University-i sentong balala inyakba pusema nungittsü aser iba ajanga nübortem taküm jenjang tajungba akümtsü ta Nagaland Governor La Ganesan-i ashi.

La Ganesan ya NECU atema Visitor lir aser pai graduates dang university nung angazükba bener tejakleni aotsü ayongzük.

"Nenoki tayongzükba aika ajangtetogo aser nenoki

angazükba shisatsü bener tarutsü nung tayongzükbatem kokteta aotsü renemogo" ta Ganesan-i tanü North East Christian University nung mezüngbuba convocation sentong nung ashi.

"University-i küm ishika tsüingda education system nung yaritepa arur. Korea nungi Australia tashi global partnerships yur shisaliok mapa inyaka arur. Iba University ajanga tashitemetet graduates maneni adokdaksütsü imlar" ta

paisa ashi.

"Iba reju ya shisatsü angazükdak aser temelenshi adokdak ka kumogo. Kaketshirtemi maneni tajungtiba akümtsü merangang aser Nagaland tasen ka yangertsü atema meranga inyaktsü aser bendanga agütsütsü ayongzük" ta Chief Minister Neiphiu Rio-i ashi.

Paisa graduates dang alima sabang nung Nagaland atema ambassadors ama inyaktsü ayongzük.

WNYF-i District Hospital Dimapur nung atalokba aitsür

Dimapur, February 25, 2025

(TYO): District Hospital Dimapur nung inyaker kati trainee nurse ka dak tashiyim mapa inyakba osang angashia aoksar aser khukhua aitsür ta Western Nagaland Youth Front (WNYF)-i metetdaksüogo.

Onoki hospital administration

aser ozüing amertem dang jungjunga bushisüingdang asütsü aser aibelenertem merenshitsü ayongzük. Maneni DHD ketdangsürtemi security maparen akangshitsü aser mozüki telongtet nung tashiyim inyakba atema zero-tolerance policy tenzüktsü akhanger, ta WNYF-isa ashi.

"Onoki Western Chakhesang CSOs aser trainee nurse den külemi noktaker aser lai nem medical assistance, counselling, aser legal aid agütsütsü akhanger. CSOs-i agütsüba onüktem onokia pusema nungiter" ta WNYF Interim Convenor Aga Rengma-i sangdong ka nung ashi.

Advantage Assam 2.0 nung Rs 90,000 crore tema MoUs sign sütepogo

Guwahati, February 25, 2025

(Agencies): February 25, 2025 nü Advantage Assam 2.0 business summit mezüing anogo nung Rs 90,000 crore tema investment proposals atema sign sütepogo.

Anogo ananü sentong nung iba dang nungi teimba atema sign süteptsü imlar.

Adani Group chairman Gautam Adani-i par company ajanga Assam nung wadang balala atema Rs 50,000 crore invest asütsü ta metetdaksü.

"Onoki airports, aero cities, city gas distribution,

transmission, cement aser road projects maparen inyaktsü" ta pai ashi.

Tanü Assam-i PSUs aser private companies den MoU aika nung sign sütep aser bendang linüktem den non-financial MoUs sign süogo.

Assam-i Tata Power den Rs 30,000 crore-pact, JSW Group den Rs 7,000 crore, Greenko Energies Pvt Ltd den Rs 5,850 crore, Adani Total Gas Ltd den Rs 5,000 crore, PNB Investment Services Ltd den Rs 3,000 crore aser Essar Group den Rs 2,100 crore MoU tem sign sütepogo.

Tanü MoU nung sign asür PSUs rongnung OIL-i Rs 23,300 crore investment aser Numaligarh Refinery-i Rs 10,711 crore investment dena lir.

"Tang tashi nung MoUs 20 tema nung sign sütepogo aser taruba ghonda ishika tsüingda ano aika nung sign asütsü. Asüing ano tongtipang osang kar metetdaksütsü" ta Assam sorkar ketdangsür kati ashi.

Private companies-i Rs 53,000 crore tema aser state-run companies-i Rs 35,000 crore tashi Assam nung investment asütsü atema sign sütepogo ta pai ashi.

ABAM Resource Centre, Aopenzü nung arogo tenzükertem adenshia shisatsü balala angazük

Mokokchung, 25th Feb

(TYO): Mokokchung Ao Officers' Telongjem (MAOT) den külem sür Ao Baptist Arogo Mungdang (ABAM)-i 'the Art of Life in Fullness' ta sür sentong ka 24th Feb, 2024 nungi tenzüka ABAM Resource Centre Kangtsüing (Aopenzü) nung kadaki. Iba sentong nung Ao arogo balala nungi tenzükertem balala angazüka mungdar.

Iba sentong ya tongtibangsa arogo tenzükertem ya rongketzüing nung tangar memenep, anungji, shisatsü balala angazükba den peisasa mapa meranga inyaktsü, angazüktsü aser ibaji pei santem dang sayutsü aser parnoki

mesayutetra, item shisatsü yabo pei arogo/yim asoshi tongtibang asütsü ta bilemra, MAOT teyari agia itemji inyaka aotsü, ta sentong achayanger ABAM Finance & Property Secretary, Maong Jamir-i osangbener den jembidang metetdaksü.


Meimchir taginüba ya tanela (spiritual) kisüing masü, saka shimang aser rongsenketzüing nungdaktema lir, saka tanü maparen teimbaka tanela dak dang rangloker dang inyaker. Anungji, kechisarena lirumedema aintsü tangatetba (holistic approach) nung iba sentong ya ayongba lir. Iba sentong ya 2023 nungto ABAM-i dang ayonga mezüingren agiogo aser tang ya tanabenren MAOT den yaritepa

akar, ta pai ashi.

Arogo ya sabang tajungtiba ka lir, aji oda, arogo tenzükertem o sorkar ketdangsürtem külemi lungjemer inyakba ajanga mapa tulu takok ngua inyakttetsü tamang akar, ta paisa shisem.

Alima renloktsü asoshi UN-i koba nükjidong ka 'UN sustainable goals' ta sür onük 17 yanglua lir, iba dakji ajemdaker taküm nung kechisarena tajungtiba renloka bener aotsü asoshi tim tangazüktsü angazükdaksütsü aser tensa den sütepa teyakyak lenir ka kümdaksütsü teimla nung iba sentong ya ABAM den külem sür ayongzükba lir, ta I. Lipokonon Jamir, Jt. Director SAR & MAOT tiri metetdaksü.

(Maneni tapak 2 nung...)



Alima tebour ajung benjongba Terra Verde art exhibition sentong Centre of Excellence for Music and Arts (CEMA), Kohima nung February 25, 2025 nü tenzükogo. Iba sentong ya Local Colors ajanga ayongzük aser Task Force for Music & Arts (TaFMA) ajanga yarir, koba Commissioner & Secretary, Youth Resources & Sports Department, Y. Anthony Ngullie-i semzüksü. Noksa nung iba sentong ketdangsürtem külemi tangokba angur.

Kohima nung Sekrenyi-cum-Mini Hornbill 2025 mungogo

Dimapur, Tsüklai/February 25 (TYO): Heritage Village Kisama nung February 25, 2025 nü Sekrenyi-cum-Mini Hornbill 2025 mera keta mungogo, kong Advisor, Prison, Printing & Stationery, Er. Kropol Vitsu tayonger ama liasü.

Iba benjongmung sentong nung jembidang, Sekrenyi ya mürektetba aser asüngtetba mapang ka lir, bendanga agütsüshiba, küm tepiyong temoatsü alitsü asoshi sarasademba mapang lir, ta Er. Kropol Vitsu-i ashi.

Pai Sekrenyi koda

tongtipang aser yimtsüng shia koma amunger ta asüba indang rateta ashi.

Par yimtsüng Viswema nungbo iba benjong ya December (15 aser 31 tsüngta) nung amunger, ajisüaka tain temi shisa agüja arok asoshi Sekrenyi benjong ya küm shia February 25 nü benjong Angami nunger ajunga lungjemdaksür, ta ashi.

Pai lanurtem dang sobaliba tajung wazüka ayutsü ajungshia iba Sekrenyi benjong Mini Hornbill Festival ama amungba ajanga alima dang asen sobaliba sayur, ta ashi.

Pai Naga nunger dang raliwalir temi state semdangba pela agizüksü aser anepalutsü ayongzüka liasü.

Iba sentong tenzüka Rev. Fr. Dr. George Pezalhukho Rino-i sarasadem aser General Secretary, APO, Keneilesa Neikha ajanga pela agizükba o jembi, Kruvil Kikhi-i benjongmunger moatsü aser Khrietuo Mezhu & Co ajanga sobaliba ken ka tena liasü.

Visosietuo Vupru-i jangzü apu aser kasa sentong nung washitepba, tatipfe, sobaliba ken, phrida, traditional fire making, tholi amala sayua liasü.

ABAM Resource Centre, Aopenzü...

(TAPAK 1 NUNGI...)



MAOT den yaritepa ABAM-i ayongba 'the Art of life in fullness' sentong nung shilem agirtem den shisalen sayur kar aser tayongertem külemi tangokba noksa nung angur. Mokokchung, 25th February, 2025

Tanü sentong ka nung Dr. Sarendi Walling, ACTO, Animal Science, KVK, Mokokchung-i "livestock farming" onük nung jembidang, asen lima dak apet nashi, ak, an, angoh koma metsütsü, ki tasazük koda yanglutsü, anepalubayim aser kiset shiruru balala meyoktepa metsüba tasa den parnok nem chiyungtsü agütsübayim, mol yangluba yimya, shiruru metsüa ayokba ajanga sen koma tajangzük angur, aser shiruru metsüba yimya tapu balala sayua liasü.

Ali junga anepalutsü (soil health) tongtibang indang Imtisenla, ACTO (Agronomy) KVK, Mokokchung-i jembidang, ali ya taküm lir, ali mali nungbo asenok kecha mesütettsü, ali junga ali nung dang nisung-a, shiruru-a, süngdonglidong aser tsünüsembong tapu ajak ajungtsü, ta ashi. Ali junga kümdaksütsü asoshi melentepa tsünüba, tu/süngolio balala amshia ali koda junga kümdaksütsü ta asüba nung teinyaktsü kar lemsatap.

Tanü joko ali tendangba kol asen atep nung lir aser ali

tendangtsübaji kanga tongtibang, anungji, tsünüsembong meyokdang ali tama tendangtsüla aser ali tendangba taah ji tasakbo masü aser mapanga talangka magir, ta lai ashi. Laisa ali tendangtsü atema koma inyaker, itemji tatongi rasa-a ashi.

Ano sentong ka nung, Tsulensa Jamir, Inspector of Co-operative Societies, (ARCS) Mokokchung-i co-operative society ji koda tongtibang ta asüba onük nung jembidang, Naga nunger aikadi co-operative society ya tai nung angateta lir, anungji, iba mulungsentsüji tama melenshitsüla, ta metetdaksü.

Mokokchung nung registered co-operative society 900 dak tali lir, saka item rongnung junga aoba society 20 shiang ta süra ashitsü tasak kümogo, Nagaland nung ochi shia aser meranga inyaker society kanga apara, ta pai society aika tamakok anguba kuli kar ashi. Paisa Tuli Area Fishery Cooperative Farmers Producers Organization Ltd. aser Ao Trading Cooperative Society Ltd., Mokokchung nadi

nüburtem atema mapa tajung inyakba kar lemsatap.

Joko yakta society maparen ajak database yimya nung inyaka aotsü, anungji, Nagaland nung mapa meinyakba society ajak katiyonga aotsü mapang arudar, ta paisa tekümdaksü o ka ashi. Politician-temi vote aginüdag cooperative society by-laws bener arua lemtsüba jagi asen lima majunger, ta paisa metetdaksü. Paisa cooperative society-i mapatong balala tenzüksü aliba aser iba maongkatem agitsü asoshi ajungshia liasü.

Package and practices of coffee cultivation onük nung Imtisingchit Imchen, Asstt. Extension Officer, Coffee Board-i jembi aser integrated fish farming onük nung Temsuwapang Longchar, Asstt. Fishery Inspector aser K. Nuken Kichu, Asst. Fishery Officer nadi jembi. Feb 26 nü introduction to the art of life in fullness, social welfare schemes: holistic development, vegetables & mushroom farming aser ano tanga onüktem nung shisalen sayur balalai shilem agitsü renema lir.

Nursing azünger merenshiba lokti tentet balalai aitsür

Dimapur, Tsüklai/February 25 (TYO): District Hospital Dimapur nung Nursing tezüngdak kaketshir ka dak züka merenshiba khukhua aitsür, ta Nagaland State Commission for Women (NSCW) ajanga sangdong ka nung ashi.

Iba taoksatsü aser tesüngmangtsü mapa yagi tetsür takum kumzuka maliba tebilemstü sayur aser state tesem balala nung tetsür asoshi mapa inyakdak tesemtem nunga kumzuka maliba aser security tsütsü tapok tulu aliba sayur, ta NSCW sangdong ajanga ashi.

Sexual Harassment At Work Place (Prevention, Prohibition and Redressal) Act, 2013 mapa kuma inyaktsü asoshi Court ajanga totuyuba agüja aliba indang aiben nenshia shiaka Nagaland nung iba ama lendong timtem tali ang ataloker. Anungji NSCW ajanga sorkar aser private nung stakeholders ajunga dang court totuyuba nung anidaka iba ama timtem tekeraba nung bentettsü asoshi Internal Complaint Committee aser Grievance Redressal Officer shimtsü ayongzüker, ta ashi.

Shisaliok aser careers bushidang tetsürtemi tanen makai iba ama lendong ajuruba ya magizükteter. Anungji kanga kera aser jung-junga bushisüngdang aibelener nem tapet temerenshi agütsütsü aser mapa inyakba tesem nung iba ama timtem majurutsü asoshi

mera tajung agitsü akhanger, ta NSCW sangdong ajanga ashi.

Tetsürtem kumzuka ayuba nung temulung agütsütsüla aser iba ama mapa tamajung inyakba memerenshi metoktsütsüla.

Kasa mapang NSCW ajanga iba mapa tamajung asoshi Suo-Moto cognizance benokogo aser temulung agüja ken o bentettsü, aser state ketdangsür dang ozüing nung aliba ama nüngdakba mera agitsü ajungshir, ta kasa sangdong ajanga ashi.

District Hospital Dimapur nung GNM training tagidak arishi küm 22 tain adianutsür dak tebilemba tamajung nung züka merenshiba osang angazüker. Anungji Nagaland nung aliba nüburtem temulung asütsüsa tatishitsü tajung aketba obendang agütsütsü ayongzüker, ta Western Chakhesang Youth Organization (WCYO) sangdong ka ajanga ashi.

WCYO ajem-ajema malitsü aser ochi obendang magütsüra ozü yimya nung ken o amshitsü telemtetba agitsü.

Iba tatalokba onoki khukhua aitsür aser ozü adianu anema tim masüba mapa inyakba atema onoki kodanga tatok magütsütsü. Ozüing amshirtemi iba ken o bushisüngdanga obendang agütsüba onoki züingzünga repranga atatsü aser sorkar dang kanga kumdanga aser tekeraba nung mera agitsü ayongzüker, ta WCYO sangdong ajanga ashi.

NITI Dimapur-i Toppers' Reward Scholarship 2025 semzükogo

Dimapur, Tsüklai/February 25 (TYO): Küm 25 ajungba benjongba, NITI Dimapur-i Toppers' Reward Scholarship 2025 (TRS-25) semzükogo, koba ajanga Nagaland nung aliba kaketshirtem rongnung academic tsütsü takotet tem yaritsü.

Iba scholarship yagi state nung board examination balala nungi top 100 kaketshir nem course fee reimbursement 100 shilem agütsütsü.

TRS-25 kübok tsüinglanglen agüja aliba tatidang nungi mezüing toppers ter nem iba scholarship agütsütsü: NBSE HSLC (Class 10) Final Exams 2025, NBSE HSLC (Class 12) Final Exams 2025 (Science, Commerce & Arts), Nagaland University Graduation Final Exams 2025 (All Streams), CBSE Board Final Exams 2025 (kaketsir marks 96% aser tema angur).

Shimtetba kaketshirtem NITI Dimapur Center nung tenüing zülüoka modular mesüra career courses mashi agiba atema parnok indang course fees 100 shilem meyiptsütsü, ajisüaka parnoki fees ajunga agütsür alitsüla aser April 30, 2025 matongdang enrol sür alitsüla, ta NITI Dimapur Center head, Er. Rishav Sethi-i sangdong ka nung ashi.

Ibai Lord's Infotech Management Pvt. Ltd. indang Corporate Social Responsibility (CSR) nung shilem ka lir, aser ibai Nagaland nung aliba lanurtem academic tsütsü tematiba jenjang atongtsü asoshi meranga azüingtsü aser state terenlok nung shilem agitsü asoshi ajungmesotsü nükjidong nung tenzük.

Ano March 15, 2025 matongdang register asüba kaketshir nem 'surprise gifts' agütsütsü, anungji school aser college ketdangsür temi iba osang prokshitsü ayongzüker, ta ashi.

Temsüa aliba kaketshir temi NITI Dimapur & Chümoukedima Centers nung tenüing zülüoka MS Office, Tally, GST, C, C++, CSS, HTML, Java, SQL, Advanced Excel, Hardware & Networking, Graphic Designing, WordPress, AutoCAD, SketchUp, Lumion, Stenography, Digital Marketing, Crash Course on Stock Market Investments, Diploma in Computer Applications amala agitettsü.

Item courses ya fast-track aser super-fast-track yimya nung ita ana majungdang renemtettsü. Scholarship angur tem classes ya April 30, 2025 tashinung tenzüksüla, ta sangdong ajangasa ashi.



Delhi Assembly nung o jembitsü atema aruba mapang Delhi CM Rekha Gupta-i Delhi LG VK Saxena agizükba noksa nung angur.

Tamil Nadu CM MK Stalin-i party ajak senden ayonger

New Delhi, Tsüklai/February 25 (Agencies): Tamil Nadu chief minister MK Stalin-i Mongolbarnü sangdong ka ajanga, delimitation ken o sensaksemtü atem party ajak senden ka March 5 nü ayongzüka amentsü, ta metetdaksüogo.

MK Stalin-isa, delimitation sülen Tamil Nadu nungi Lok Sabha menden ti agi tajemba kuma 31 dang akümtsü, ta ashi.

“Lok Sabha delimitation ken o sensaksemtü atema March 5 nü party ajak senden ka ayongzüka amentsü telemetba agiogo. State nung family planning sentong kanga junga benoka inyakba sülen nütsünyongsük azüoktetogo aser iba ajanga menden 8 agi tajemba akümtsü

amokmerendar,” ta chief minister ya Chennai nung osangbenertem dang ashi.

Dravida Munnetra Kazhagam tir-isa, Election Commission of India nung züngoksema aliba state nung political party ajak March 5 nü senden atema jaoktsü.

Taoba mapang lemsatepba olen lephsia pai, delimitation ya Tamil Nadu, Karnataka, Kerala, Telangana, aser Andhra Pradesh kolak nung nok sangzüa aliba ama lir, ta ashi.

Stalin-isa, Tamil Nadu ya lenla ajak nung tejakdang sür renloka aoba state ka lir aser iba state ya tang nütsünyongsük ajema akümba ajanga Lok Sabha nung menden tajemba akümtsü ana

nung lir.

“Family planning sentong ajanga onoki nütsünyongsük azüoktetogo. Onok nütsünyongsük ajema akümba ajanga Lok Sabha menden tajemba akümtsü akok. Iba ajanga onok menden 8 agi tajemba kuma MP 39 aliba 31 dang akümtsü akok,” ta pai ashi.

Centre nung Bharatiya Janata Party-i aniba sorkari Tamli Nadu ola remseptsütsü merangba atema chief minister-i parnok aitsüogo aser party lenir ajak dang iba ken o atema longjemer jembitsü mepeshia liasü.

Lok Sabha nung Women’s Reservation Bill agizükba sülen 2023 kum September ita delimitation dak sendakba nung sensaksem tenzüka liasü.

Sajjan taküm tepeyong tepuokdak ayutsü obendang agütsü



New Delhi, Tsüklai/February 25 (Agencies): 1984 anti-Sikh riots mapang Delhi kübok Saraswsti Vihar tesem nung tebu aser par jabaso tepsetba ken o nung aija taoba Congress lenir Sajjan Kumar taküm tepeyong tepuokdak ayutsü special court kati obendang agütsüogo.

Court-i iba aibelen atema February 12 nü Sajjan Kumar aitsü aser Tihar Central Jail ketdangsürtem dang pa indang psychiatric aser psychological evaluation meshia liasü.

Nisung tepsetba atema

temerenshi tajembaji taküm tepeyong tepuokdak ayutsüba aser tesashitibaji tasüba agi merenshitsüba lir.

Iba obendang indang jembiba mapang Delhi Sikh Gurudwara Management Committee (DSGMC) general secretary Jagdip Singh Kahlon-i, Sajjan Kumar nem temerenshi agütsüba agi parnok temulung masür, ta ashi.

“Sajjan Kumar amala nisung ka tasüba agi agi memerenshiba atema onok mepelar. Pa tasüba agi merenshi asübo tajungba süla

asir onok temulung süla. Kum 41 sülen pa taküm tepeyong tepuokdaki dang yokaka ochi obendang nguogo. Court obendang ni akümtsübur,” ta Kahlon-i ashi.

1984 kum anti-Sikh riots ya iba mapang Ato Kilonser Indira Gandhi la indang Sikh bodyguards, Beant Singh aser Satwant Singh nati tepsetba sülen tenzüka liasü.

1984 kum Jarnail Singh Bhindranwale densema Sikh militants tem samatsütsü atema military operation; Operation Blue Star benoka inyakba sülen PM ya tepseta liasü.

“Aija alisang ya lokti lenir ka ama pai kin ka samatsütsü tangar ajungmeso, meimchir anema inyaksangshi aser kuli kecha makai nisung tepsetba nung shilem agi. Pa tasüba agi merenshitsü langa lir,” ta ken o ashishir tenüng nung senior advocate HS Phoolka-i ashi.

Jaswant Singh aser par jabaso Tarundeep Singh na 1984 kum November 1 nü tepseta liasü.

Delhi assembly speaker-i AAP MLA 21 suspend sütsü

New Delhi, Tsüklai/February 25 (Agencies): Delhi assembly speaker Vijender Gupta-i Mongolbarnü Aam Aadmi Party (AAP) MLA 21 anogo ana atema Legislative Assembly nungi suspend sütsüogo.

Excise policy dak sendakba nung Comptroller and Auditor General (CAG) report aser BR Ambedkar portrait dak sendakba nung sensaksema mapang mepetmesü adokdaksüba atema item MLA tem ya suspend sütsüogo.

Mongolbarnü Lieutenant Governor VK Saxena-i o jembiba mapang MLA temi yimyim ayima liasü.

MLA tem ya anogo tetenzüklen parnok 12 mezüng suspend sütsü aser iba sülen tanungba MLA tem suspend süja liasü.

Suspend sütsü aliba MLA tem rongnung Opposition lenir

Atishi-a densema lir, shibai chief minister indang office nungi BR Ambedkar indang noksa agina BJP-i pa mezügmeshir ta shia liasü.

Atishi dak alia Gopal Rai, Veer Singh Dhingan, Mukesh Ahlawat, Chaudhary Zubair Ahmed, Anil Jha, Vishesh Ravi aser Jarnail Singh nungera suspend sütsüogo.

Suspend sütsü aliba AAP MLA temi Mongolbarnü Ambedkar indang noksa bener assembly kima longkak aita liasü.

Delhi nung chief minister Rekha Gupta-i anir BJP sorkari Mongolbarnü Delhi Excise Policy dak sendakba nung CAG report table süogo.

Report benokba mapang BJP lenirtemi Aam Aadmi Party (AAP) aija, bushisüngdang ajanga ngutetbatem asoshi tsübua bilemba ajanga parnoki Assembly inyakyim minprongtsü meranger ta ashi.

Rajnath-i tzüym nung amokmerentem indang lemsatep



New Delhi, Tsüklai/February 25 (Agencies): Defence minister Rajnath Singh-i Mongolbarnü cyber attacks, data breaches, signal jamming, radar disruption, aser GPS spoofing amala tzüym nung mejangjaba amokmerentem tali kuma aoba indang lemsatepba den navy aser coast guard dang technology kanga kara renloka aoba den tetsükdaksü balala adokbatem ajangteta aotsü asoshi kumkuma alitsü ayongzü.

“Teti ajangshia aruba amokmeren balala den item ya tetsükdaksü talila lir. Amokmeren anaprongla koktettsü atema coast guard tem kumkuma alitsüla,” ta Singh-i, 18buba Indian Coast Guard investiture ceremony nung ashi.

“Küm aiaka asenok conventional amokmerentem samatsütsü asoshi kumkuma aruogo. Ajisüaka mapang meleshia aoba den asenok tetsükdaksü balala ajangshia odor. Technology kanga kara renloka aoba mapang ka nung asenoki unconventional tetsükdaksütem ajangshidar,” ta pai ashi.

Singh shibai gallantry & distinguished service atema medal 32 agüja liasü, pai coast guard kanga tashi ita aser temulung lemtettsüa renloka

aoba aser alima nung marine forces tajungtiba ka kuma aoba indang lemsatep.

“India ya asemsü tzü agi meketbanger lir aser tüküm kanga tulu lir. Linük nung security amokmeren ana ajangshir. Mezügbubaji armed forces-i achaayangba rara aser tanabubaji piracy, kiralongrar, infiltration, shibelenertem, aser ozüng alema ango apuba lir aser iba atema marine forces aser talisa coast guard teti kumkuma alir,” ta pai ashi.

Taoba kum coast guard-i rong 14 aser pirate 115 puogo, temesepba mozü sen crore 37,000 alang puogo aser nisung 170 shi taküm kumzükogo.

Singh-isa, security indang apparatus ajung nungdang India yimji yimjung kübok kumzüka toktsütsü nükjidong aliba ataloktettsü, ta ashi. Paisa, coast guard tashi taitba kumdaksütsü atema sorkar bendanga agütsü lir ta ashi.

“Coast guard nem 2025-26 financial year atema sen crore 9,676 agütsüogo, koba taoba kum budget dang nungi shilem 26.5 agi timba lir. Iba den coast guard atema patrol rong tekara 14, air cushion vehicles trok, interceptor boat 22, next-generation offshore patrol vessels trok aser next-generation fast patrol vessels 18 alitsü atema agizükogo,” ta pai ashi.



TIR YIMYIM YIMOBILEM (EDITORIAL)

DIMAPUR RASEMNÜ, FEBRUARY (TSÜKLAI) 26, 2025

Ajak anguba Mokokchung

Nagaland mulung Mokokchung, tanela tekümtet, kaketshisatsü aser shi temang nung taneptsü angudak topur tajung lima, tejaka aser temulunga meraksai tajungba- tajungba kümdakja maneni indaktsütsüla. Aji dang masü, Mokokchung ya kentener aser saisapong balala nung asayar tajung adokdak ajaki nükshiba aser ajaki imlaba lima, iba teimlaji mesamadaktsüi Naga nunger yimkong asen agi nümadangtettsüsa alitsüba asenok khuret aser teinyaktsü lir. Aji oda, Mokokchung ajungba indang jembidi süra aben süoshi tasen tasen purapiteta yanglua semer yimti yimdong ajak azüa aiür asangur senzüdak talenji asen yimti lir. Asen lima ya mashi masü, tashitemeteter aser shisakar yimten lenir tajung sotetdak, item jagi anir mesemtetba lima Nagaland nung tanü Naga nunger alir. Itemji kodang asenoki bilemdangdir, asenok maka ta ser alitsüba lima aser nübortem masü. Ajisüaka, tangbo asenok akaba dang nungi makaba teimba aser taruba dang nungi maruba teimba ta asenok dak aketba jakla yimya dena tajung dang nungibo tamajungang teimba tangari reprangtettsüsa asenok aliba asenokia meteter. Aji oda, tanü tangari asenok majung jembibaji asen nüngsen jembitsür masü shitak jembir, anungji asenok asoshi parnokji tesayur tajunga ta bilema asenok tajung küma melenshitsüla. Atangji, asenok majungji tangari dang jembir masü saka asenoksasa asenok majungba aser asen makaba indang jembir, kechiyong asenokia tajungba küma melenshiner. Ajisüaka, asenok majungba aser asenok mazüokba tashimaittem indang dang masü saka asenok akatsüba ser nung makabatem indang jembiba yabo, ano, asenok asoshi tamakok tuluka asütsü aser iba tamakok ajanga asenok dang masü saka asen den lisemer aser kidang kiyongertema dena akoksadagi ta bilemdi. Item makamait rongnung asenok akatsüba ser nung makaba tongtibang kaji, asenok meyong Imkongliba Memorial District Hospital nung shirangertem tashidak tendanga anepalutsüka osettem den shiranger anepalutsü pur doctor dena makaba indang asenok lokti tentet lenirtemi metetdaksüba to asütsü. Mokokchung District Hospital ama ka nung shirangertem tashidak tendangtsüba oset makaba aser doctor alitsüba ser nung malibaji tesümgangtsüka lir, ibaji government ket nung sen makaba agi masü saka asenok onsara pezübelem ajanga tangari mezügmeshiba mapa ka asütsü. Mokokchung District Hospital yabo shiranger tashidak tendangba oset tapu ajak den doctor peria akatsüba dang masü saka Nagaland Medical College meyong Hospital asütsü langa lir. Atangji, tangbo Nagaland Medical College nung azüngertem mapa angazükdak Hospital-ji Kohima nung Naga Hospital amshir. Ajisüaka, Nagaland Medical College meyong jurila Hospital melapok tashibo Naga Hospital Kohima-ji dang masü saka Mokokchung District Hospital-a dena amshitsüsa asenoki inyaktettsüba asenok dak shisatsü aser tashi alitsüla. Iba jagi mozü kiji mozü ki mesüka shirangertem tashidak putetdak aser taneptsü angudak tongtibang mozü ki ka kümadoktsü. Ibaji atema asenokia IMDH asoshi kechi inyaktsüla ? ta asen yimsüsür aser lenirtem ajurutepa jembitsü kanga nüngdaka kümogo. Ibaji dang masü saka Mokokchung ama district headquarters ka nung tanga department-tem office nunga ketdangsertem maruba agi nübortem timtem aser takok ajurua lira, iba jagi Ao lima memesük kümdaktsür aser Ao lima akhüm samatsür asütsü. Hau, asenok asoshi konang nüngsanga tongtibang saka aji bilema masü saka nübortem dang meima asenokbo asenoksasa pei pei mapa nung khien bendanga agütsüshir, Mokokchung town nung dang masü saka Mokokchung district ajak nung government office ajak jungjunga yanglushia meyushir, ketdangsertemi pei pei office nung anogo shia nübortem asoshi nüngdak tapu balala inyaktetsüsa asenoki sobaliba ka küma yanglutettsüla. Iba jagi memeteti mapang tatsüka tsünga akhi Mokokchung sentsüwangshi to shia arutsü. Mokokchung sentsü shia arudaktsüsbaji gari tajung nung senzüba agi mesüra pei ki tajung asüba agi masü saka Mokokchung nung nüngdakba purtem asoshi nüngdak ajak angutsüsa office nung, mozü kidang aser shishilemba dak teti renema katetba mapartem agi atalokdaktsütettsü.

OLEMSABANG

TAMANGER TAJUNG KATI KODA ARTIFICIAL INTELLIGENCE ANGATETTSÜ

~ Akok Amer, Pastor: Impur Baptist Arogo

(Yashi adok nungi...)

AI Ajanga Kechi Inyaktsür

1. Tetangshi aser pa sasa inyakba (Efficiency and Automation): Asen teka aser shisatsü mebului koba computer nung nai program süa lir, iba jagi pa sasa maneni tekaraba nung tajungtiba nung inyaktetsü. Repetitive task nung Aibelen nungia kümzüksü. Kechiyong meimchiri inyakba nung zünpeter mesüra khien khienbo amadoker.
2. Insights and Decision Making: AI ajanga meyimlaba results aser onük tasak asen asoshi lemtettsütsü akok. Iba ajanga asen tarutsü strategic planning mapatem ajak terenemjen telangzüba agütsütsü.
4. Personalization: AI ajanga na shishilembaba mesüramozü kidang, institutions nung admission agidang ne personalaadhar card, Ayushman card, debit card/visa card ajanga mapa temelaba iba personalization kübok AI ajanga recommendations aser teyari agütsür.
5. Innovation (tasen Yanglushiba): AI ajanga industries atema machines (robots) nungdak balala asoshi programmed süa yanglutetba, hospitals nung computer operated apparatus yanglutetba, rongsen ketdangtsüba nung computer base rezünga ayuba/teindokba/ taruba item ajak accurate data rezünga toktsüba, transportations nung tanü manual automative dang masü joko EV garitem kong driver menungdak, gari raksa nung kechi raksa computer ajanga dang yanglutsüsa yanglutetba ajak ya iba innovations ajanga lir.
6. Addressing Complex Problems: Meimchiri meinyatetba mapatem AI ajanga mela-mela inyaktetsü akok. Tatishitsü agi, cyber security threats/cybercrime, tsüngsang mopung indang jelia metetdaksüba, nisung temang nung tashidak mela mela putetba tati., X-rays, MRIs, and CT scans ajanga tashidak anebaluba (health care).
7. Rongsen Rezüngdak Anepalutsür (Finance Management): AI ajanga risk management, fraud detection, algorithm trading, customer service, personalized banking system, operational efficiency ajak anepalutsür.

AI Telemsatem (Types of AI)

Ashiba agi Artificial Intelligence ya ba capabilities aser functionalities nung telemsa 7 lir.

Based on Capabilities of AI -Type 1

- * Narrow AI: Koba dang weak AI ta-a ajar. Iba system nung koba tasak mapa ka asoshi program asüajisaka iba dak alaka tanga mapatem meinyaktetter, tatishitsü agi, personal virtual assistance smart phone mesüramedia devices koba nung "Siri" mesüra "Alexa" asen ola recognitions aser oshi jembidaktsür item dangji Narrow or Weak AI ta ajar.
- * General AI: Iba dang ya strong AI ta-a ajar. Iba system nungbo meimchir shisatsü menepa inyaktetba programmed software's tashi ajanga mapa balala aika inyaker.
- * Super AI: Iba dang ya Superintelligent AI ta-a ajar. Iba system ajanga meimchiri meinyaktetba tem aika pai mapang tatsüba nung tajungtiba nung telangzüba agütsütetba, mapa tasen apitetba aser meimchir dak metaloker inyaker masü saka pei mulungtetta inyakba system dang Super AI ta ajar.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Elevation Church-i youth pastor Tim Somers mapa nungi anentsüi



Texas, Tsüklai/February 25 (Agencies): North Carolina nung aliba Steven Furtick’s Elevation Church nung youth pastor Tim Somers-i taoba mapang Texas nung aliba Oaks Church nung azünger kaketshirtem den tim masüba mapa inyak ta tai tongloksüba sülen mapa nungi anentsüogo. Küm ter tejakdang Oaks Church nung Somers ya intern aser staff ka ama inyaka liasü.

“Küm 12 shi tejakdang Texas nung aliba arogo ka nung Tim Somers tenzüka alidang tim masüba mapa inyaksangshiba indang ken o ka tawa benok,” ta Elevation Church indang odongtar kati The Christian Post dang Hombarnü ashi.

“Elevation-i iba osang angazükba den külemi onoki local Texas ketdangsür den tongtepratep asü aser idangjisa Tim ya leave nung yutsü. Ken o kata benoka mali. Saka item ken o yagi ministry nung pa inyakyim nung kongshitsü indang Tim-i angateta lir aser pa staff ka ama metenzüktsü onoki mulungtepogo,” ta ashi.

Red Oaks Police Department Chief of Police Garland Wolf-ia Hombarnü sangdong ka nung Somers anema ken o kata benoka mali ta shiogo saka parnoki tang bushisüngdangba nung tenüng amshia lir aser ibaji ajanga pa takum nung küm aika atema kongshitsü, ta ashi.

“Onoki item tatalokba mapang arurepa aotsü meranger, aibelen mapa inyakba tesem shidakba, temulung melemi alirtem aser timtem ajurur alirtem jangjatsü meranger. Arogo indang ki o jen mesüra Red Oak, Texas indang jurisdiction nung langa kar danga atalok asü ta jangjatsü meranga bushisüngdanger,” ta Wolf-iashi.

Somers bushisüngdangba ya Hope Fellowship’s Frisco West Campus nungi student pastor Jerry Nickerson taoba

ita anentsüba dak sendaka lir, shibai küm ter tejakdang Oaks Church nung tanur ka den “inappropriate contact” aliba indang nangzüka liasü.

Nickerson-i tatok nangzükli Oaks Church ajanga arogopur dangi January 11, 2025 nung email ka yokba nung Nickerson-i tim masüba mapa inyakba ya pa arogo nung alidang lir ta shia liasü.

“Taoba mapang Oaks Church nung youth ministry intern ka ama inyaka alir kati nangzükba tens aka onoki tan hopta metet,” ta arogopur dangi yokba email nung pastors Chris aser Cara Railey nati ashi.

“Taoba mapang intern inyaka alisang ya youth pastor ka ama arogo ka nung liasü, aser pai arogo lenirtem dang iba mapang Oaks Youth nung adenba tanur ka den “inappropriate contact” aliba nangzük. Iba ken o timi bushisüngdangtsü mechi onoki

iba osang Red Oak Police Department nem agütsü,” ta email ajanga ashi.

Pastors Chris aser Cara Railey nati iba tatalokba indang January 19 nü tekülem sentong ka nung lemsatepa liasü.

“Iba ya angashia onok kanga süngmanger. Nickerson-i nangzükba sülen kaketshir aika arua küm ter shi jakdang atalokba indang lemsatepa liasü. Item rongnung youth leaders aser youth students tsüngta tim masüba text messages zülutepba aser jembiba indang liasü aser onoki iba indang ketdangsür nem osang agütsü. Red Oak Police Department ajanga süoki ia agizükba atema pelar,” ta Cara Railey-i ashi.

Oaks Church odongtar kati ashiba agi, Somers ya iba arogo nung intern ka ama 2009 nungi 2011 tashi inyak aser staff ka ama 2011 nungi 2013 tashi inyaka liasü.

agütsür ta aitsü.

Police temi tamangba yimsü melendaktsüba kuli ama Temeshi Laishiba densema tamangba yimsü dak sendakba osettsüset apu, ta osang ajanga ashir.

“Iba sülen parnok judicial custody nung ayu,” ta pua aliba Khristanpur yariba arogo lenir kati ashi.

Right-wing Hindu activists temi tai tongloksüba nung ajemdaker kuli kecha meliaka police temi iba mera ya agi, ta leniri tetsübo nung pa tenüng memetetdaksüi ashi.

“Tangbo Khristanpur pei kidang adenshia sarasademtsüa lendong tulu kumogo,” ta pai UCA News dang February 24, 2025 nü shia liasü.

Pua aliba Khristanpur ya Uttar Pradesh Prohibition of Unlawful Conversion of Religion Act 2021 ozüng tesashi kübok apu.

Tamangba yimsü melentsü asoshi asoshi inyaksangshiba asoshi

ANOGO ABEN TSÜNGREM DEN

Arogo Mapa
Mathi 16:13-20

Arogo telung nung mangatetba jenti adoker aser mangatetbaji arogo indangji mangatetter. Lemang ka nung arogoji kechi asütsüla jangjar, saka arogo jagi kechi nung inyaktsüla mejangjar. Iba dang tali arogoi inyaktsübaji koda inyaktsü ibaji mejangjar.

Arogoji alima den alitsüla. Ibai tongtipang lir. Asenok Khristantemi, Khristan masüba pur dang nungi Khristantemji tajungba ta mela-mela obendang agütsür. Alima nung nisung telok ana kuma lemdanger lir ta asenoki jembir: Kümzüka alir aser mekümzüki alirtem, temeshipur aser temenen pur. Ibaji tamakitsü tangatetba lir. Asenoka temenen nisungtem lir. Asenoka tatok angutsü nüngdaka ali nung, asenoki tangar temenen atoktsü makok. Arogoi kodanga laji Kibur ta mebilemstsüla, saka kümzüka lir ta bilemstsüla. Asenoki alima nüngdakba dang temaba nung masü, alima nüngdak den noktaka ali tashi Arogoji Khristar Arogo lir. Khristantem aser Khristan masübatemtepila tuluji ya, Khristantemi teyari kong nungi arutsü lemanji metet, Khristan masübatemi teyari lemanji memetet.

Item ya shisadangang. Arogoi shidak alimaji angatetta lir ta nai bilemer asü? Alima mapa nung Khristantemi koba tashi nung atentsüla ta nai bilemer? Noksa sayudak, sports, politics, education, arem wazüka ayuba nung koda? Tawa tanü sayutsüngibaren bilemdangang. Asenok mapaji Khristan mapa ta nai ashir asü? Kechiba?

Ne ochi nung ni aniang aser sayuang. T.Ken 25:5.

Ochi Tanelai nenok ochiba dangi anitsü. Yohan 16:13.

UP nung tekülem sentong ayongzükbba mechi tamanger 9 apu

Lucknow, Tsüklai/February 25 (Agencies): Deobarnü tekülem sentong ayongzükbba mechi India north tsütsü Uttar Pradesh state nungi Khristanpur nisung toku police temi puogo, aser item sentong ya yangji aliba Hindu nungertem tamangba yimsü meyipdaksütsü mechi ayongzükbba lir ta Hindu telok temi aitsür.

Tamangertem apuba ya February 23 nü tesem ana nungi liasü. Pastor aser tetsür asem densema nisung pongu Sitapur district nung apu aser pastor ka dena nisung pezü Raebareli district nung apu ta ashir.

Pua aliba Khristanpur ya teti ama Deobarnü sarasadem sentong agitsü atema ki telung nung adenshia lia Hindu nunger teloktem nungboka aita Hindu yimsü aser süngyanglu tenüng menüksür aser tamangba yimsü melentsü asoshi mesüzüka teyari balala

ayötsü densema temerenshi tesashiba agütsütsü atema anti-conversion law ya taoba küm yanglushia liasü.

Ozüng tasenba yagi kuli meliaka nisung mashi kati tamangba yimsü melenshiba tai tonglokja ken o benoktsü melar.

Taoba mapangbo ajangshia alir mesüra kinunger temi dang iba amala ken o benoktsü mela liasü.

“Tamangba yimsü melendaktsü ta kuli sayutsü asoshi tangbo police temi Temeshi Laishiba apuba ya kangasa tesüngmangtsü lir,” ta iba state nung aliba Pastor Joy Mathew-i ashi.

Pua alirtem ya Indian senso ka ama constitution agi mela aliba ama tamangba yimsü temeden amshia liasü, ta Mathew-i UCA News dang ashi.

“Pei mulungba tamangba yimsü sülen anidaktsü kisüng masü saka tamangba yimsü

prokshitsü ya parnok indang fundamental rights lir,” ta pai ashi.

Uttar Pradesh tesem balala nung Khristanpur 100 dak tema tepuokdak yua lir, koba linük nung nütsüng yongsük timtiba aliba state ka lir. 2025 küm tenzükera tang tashinung nisung 35 shi tepuokdaki yokogo.

Iba state nung Ato Kilonser Narendra Modi’er Bharatiya Janata Party ajanga yimsü asür, kong taoba küm Khristanpur anema azüdokshi 209 ben ataloka liasü, ta United Christian Forum (UCF) indang data ajanga ashir.

Ibai linük nung 2024 küm timtiba atalokba state alitsü, ta linük nung Khristanpur anema inyaksangshiba osang bendenba tentet ajanga ashi.

Uttar Pradesh nung nütsüng yongsük 200 million aliba nungi Khristanpur shilem ka dang tajemba aser timba Hindu nunger lir.

taküm tepiyong tepuokdak ayötsü densema temerenshi tesashiba agütsütsü atema anti-conversion law ya taoba küm yanglushia liasü.

Ozüng tasenba yagi kuli meliaka nisung mashi kati tamangba yimsü melenshiba tai tonglokja ken o benoktsü melar.

Taoba mapangbo ajangshia alir mesüra kinunger temi dang iba amala ken o benoktsü mela liasü.

“Tamangba yimsü melendaktsü ta kuli sayutsü asoshi tangbo police temi Temeshi Laishiba apuba ya kangasa tesüngmangtsü lir,” ta iba state nung aliba Pastor Joy Mathew-i ashi.

Pua alirtem ya Indian senso ka ama constitution agi mela aliba ama tamangba yimsü temeden amshia liasü, ta Mathew-i UCA News dang ashi.

“Pei mulungba tamangba yimsü sülen anidaktsü kisüng masü saka tamangba yimsü

AO OSHI ANGAZÜKDAK:**TANÜ ANGAZÜKTSÜBA OJANG****Tekazülü**

(n) teka agi züluba, ajenba masü (manuscript)

* Akhidangbo kaket ajak tekazülü agi dang zülua inyak.

Teki

(n) ali nung tapok tila (hole)

* Anung teki nungi adoka aponger.



Tir Yimyim

OLONG PAITEP # 7074

1		2		3		4	5			
				6						7
		8								
9				10		11				
			12					13		
						14				
16						17				

TIPIEN

1. Nisung jenti
4. Tsük rudenba
6. Temzüng tesashi
8. S _ _ i
9. Nisung rongnung telemsa
10. Anogoshi
12. Ajanga aor
13. Tsük rizügdak
14. Tebang nungi adokba
16. Süngdong tatembangtiba
17. Meputep

- (5)

- (5)

- (5)

- (3)

- (3)

- (4)

- (4)

- (3)

- (3)

- (5)

- (5)

LANGTSÜNGLEN

1. Tenük telong
2. Committee dang ajar
3. Yagi ki okdoker
5. Yim lenmang
7. Temoatsü keter meyipa aruba
11. Kanga junga menemba
12. Kenyongi majinü
13. Rong kanga tulu

- (9)

- (5)

- (7)

- (5)

- (9)

- (7)

- (5)

- (5)

OLONG PAITEP # 7073 TELANGZÜBA**TIPIEN :**

1. Tanga, 6. Wara, 7. Rajang,
9. Anük, 10. Jenjang, 11. Alar,
14. Ngashi, 15. Nala, 16. Mechi.

LANGTSÜNGLEN :

2. Anga, 3. Yabang, 4. Tarok,
5. Orak, 8. Ainer, 9. Anema,
10. Jabili, 11. Among, 12. Miim,
13. Anem.

NAI-A YA METETTER MA

February 23, 2025 nü Chef Ajith Kumar aser Chef Samema nati Guinness World Record ka yanglutetogo. Tenati minute ka nung cupcakes 84 tashi icing asüba ajanga "fastest rosette icing on cupcakes" otsü yangluogo.

Tanur asoba anogo nung salem osang den noksa angati adokdaksünöra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Tripura nung taoba telungpurtemi Assam-Agartala NH mokdang**Agartala, February 25, 2025**

(Agencies): Temai adokba telungpurtemi tentetba Tripura United Indigenous Revolutionary Peoples' Council (TUIRPC)-i Assam-Agartala National Highway mokdang lungkak aitogo.

Mongulbarnü West Tripura District nung parnoki anepdang nungi nikongdang tashi lungkak aitogo. Sorkari parnoki dang nangzükba mapatem meinyaker ta shia parnoki iba sentong ayonga agi.

Sorkari parnok temai adokdang aser yimjung tenangzüktep agiba mapang mapa aika inyaksü nangzük saka meinyaker, ta TUIRPC lennir Daniel Borok Debbarma-i ashi.

"Sorkari aika nangzükogo

saka ka danga mapa kuma meinyaker. Onoki akhangba aika meinyak lir anungji onoki lungkak aitba sayua lenmang mokdang ta pai ashi.

Centre sorkari onok temai adokdang takhangba onüktem inyaksü nangzük saka tang tashi mapa kecha meinyak lir, ta Debbarma-isa ashi.

"Onok anema okadak aser police tsüngdang ken o benoka aliba ajak agientsü onoki akhanger. Tang tashi onok police-i jaoker. Onok nem pucca houses agütsütsü nangzük saka magütsür. Onoki Kokborok language atema Bengali script melen Roman script amshitsü akhang" ta paisa metetdaksü.

Sorkari water, electricity, aser roads dena infrastructure

agütsütsü nangzük aser onok tanurtem class 1 nungi university jenjang tashi angati züngdaksütsüla ta Debbarma-isa ashi.

Tanü mokdang ajanga gari noklang aika mesenzüteti len tom nung anen saka ketdangsürtem den jembiba sülen nikongdang mokdang agiena liasü.

"Lenmang mokdangba timi dang agiogo aser tensa azüöksü atema police nübo peria mapa lezmükja liasü" ta Jirania Sub-divisional Police Officer Kamal Krishna Kalai-i ashi.

"Parnoki civil administration den senden ka amen aser iba sülen mokdang agienogo. Tang tashi nung tensa süngjema dang lir" ta paisa ashi.

USTM Chancellor Mahbubul Hoque anogo pezünü tepuokdak ayutsü**Guwahati, February 25, 2025**

(Agencies): Additional Chief Judicial Magistrate (ACJM) court-i University of Science and Technology Meghalaya (USTM) Chancellor Mahbubul Hoque anogo pezünü police ket nung ayutsü temelaba agütsüogo.

Tatidang nung ashikülak inyakba ken o ka Patharkandi police station nung benoka lir. Iba ken o ya Indian Penal Code aser Public Administration Prohibition Act kübok section balala kübok lir.

USTM Vice Chancellor Hoque den külemi Central Public School Principal Hiramani Saikia aser tesayurtem- Vijay Dutta, Rezak

Ali, Numan Ahmed, o Imdadur Rahman nung police-i pua lir. Ajisüaka, police-i parnok nem bail magütsür.

USTM nung tatidang tsütsü ochimashi mapa inyaker ta Assam Chief Minister Himanta Biswa Sarma-i jungkai adoka ashiba sülen police-i Hoque apu.

USTM nung tatidang tsütsü ochimashi mapa inyaker ta Assam Chief Minister Himanta Biswa Sarma-i jungkai adoka ashiba sülen police-i Hoque apu.

"Hoque-i kaketshirtem dang CBSE examinations nung marks teimba agütsütsü nangzük. Assam Police-i iba ken o bushisüngdangdar aser ken o

ka benokogo. Iba ya süoki ia bilemtsüba onük ka lir aser ajaki amalitepa yariteptsü mepishir" ta CM Sarma-i ashi.

February 21 ayaterm nung Hoque ya Ghoramara, Guwahati nung par kidang nungi apu.

Kendriya Vidyalaya, Sribhumi district nung CBSE Class 12 Physics examination mapang yaritsü nangzükba sen meshia agiba atema ken o benok.

Iba centre nung kaketshir 274-i tatidang agütsü aser parnok rongnung ERD Group nungi kaketshir 214 lir. Ajisüaka kaketshir yaritsü nangzükba ama meinyakba agi examination centre nung mepetmesü adoka liasü.

PM Modi-i süngolu nung inyakertem dang nangzükba meinyak**Guwahati, February 25, 2025**

(Agencies): Prime Minister Narendra Modi-i Assam nung 2016 election campaign mapang süngolu nung inyakertem dang nangzükba meinyak ta Assam Congress MP Pradyut Bordoloi-i ashi.

PM Modi-i Assam nung Jhumur dance performance nung shilem agitsü atema aruba mapang Bordoloi-i tai tongloktsüogo. Assam nung tea industry küm 200 ajungba atema iba benjung amonger.

"2016 nung PM Modi-i

süngolu nung mapa inyakertem dang parnok anogoshi taa Rs. 351 agütsütsü nangzük. Ajisüaka küm 10 tashi sorkar yimsü süa aruaka iba tenangzükba ano mapa kuma meinyak lir" ta Bordoloi-i ashi.

"PM Modi-i süngolu nung inyakertem tsüngsangba benjung nung shilem agitsü saka pai 2016 nung nangzükba ni nenshir" ta pai ashi.

India sorkari süngolu nung inyakertem nem Scheduled Tribe (ST) jenjang agütsütsü ta

Modi-isa nangzük saka ibaji ano meinyak ta Bordoloi-isa metetdaksü.

Assam nung süngolu nung inyakertem anogoshi taa atema takhangba agüja arur. Süngolu nung inyakertem ya state rongsenketzüng nung tongti shilem agir.

Parnok nem taa tera tutsüogo saka Rs. 351 matong lir. Süngolu nung inyakertem ST jenjang meshia takhangba agütsür kechiyong iba ajanga parnoki maongka teimba angutsü.

Pelaba Lemsateper



Onoki teti meima aliba kinungbu, obala aser adianu tajung Unger Aolensa Pongen yimsüsür (Ungma), mapang tatsüka timtemba mapang nungi tenzüker aritepa asü limai aoba anogo (19-2-2025) tashi kija, kibong aser lokti kwikadi sarasadem, nübu aser rongen agi yaritepogo, ajak dangi tsüngdong arua pelaba melemsateptet nung, iba sabang ajanga ajak dang kangasa pelar.

Nenok mapa tajung ajanga onok mulung anisüngzükdaktsüba atema kangasa pelaba lemsateper.

Nenok mapa tajung asoshi Tsüngremi moajangma.

- Temeim Kinungtsü, chirnur aser kinungertem.

MULUNG NEN O



Aso : 16th May 1938 - Asü : 19.02.2025

Onoki teti meima aliba Obala asür **O. Pangernükshi Jamir GB** (Changtongya Town) tasüba anogo nungi tenzüka kija, kibong, lokti, anükapang aser adianutem shirnokisa ozü kibong den sarasadem den rongsen nübu agi yariogo nenok ajak dang pelaba lemsateper.

Onokibo nenok nem meyipa agütsütsü kecha maka saka teyanglur Tsüngremi nenok taküm wadangtem nung tali moajangma.

~ Temeim kinungtsü, chirnur, semchir aser anükapang.

ALI TAYOKTSÜ LIR

1. OLD SHOWUBA AREA KHEHOKHU VILLAGE @170 Per sqft.
2. NEAR FOOTHILL ROAD 4 MINUTES DRIVE FROM HIGHWAY.
@ 42 Per Sqft. (Any size available)
Contact : 9863826159

ALI TAYOKTSÜ LIR

NEW SHOWUBA POLICE STATION SÜLEN @ RS. 280 PER. SQFT
CONTACT NO: 8131884162

Sudan army-i tongtibang yimti ka meyipa agiogo

Khartoum, Tsüklai/February 25 (Agencies): Sudan army-i ashiba agi, parnoki küm ana shi paramilitary Rapid Support Forces (RSF)-i atsünger aliba el-Obeid yimti meyipa agiogo.

RSF puri Kenya yimtiba Nairobi nung parnoki azüoker aliba tesemtem nung sorkar ka amenoktsü atema political charter ka nung sign asüba sülen ghonda ishika lir iba yimti ya atsünga liasü.

RSF aser army na 2023 küm April ita nungi raratepa arudar aser iba rara nung nisung meyirejang aika tepsetogo aser million aika pei talidak ki toktsür jenshia aotsüsa kümdaktsü.

Iba rara ajanga linük lemdangtsüogo. Army-i linük anütoktip aser anütoklen tesem tem azüoka lir aser RSF puri anüolen Darfur tesem timba aser anüolentip nung tesem kar azüoker lir.

North Kordofan state indang yimtiba El-Obeid ya linük yimtiba Khartoum aser Darfur tesem na sendakteptsü asoshi tongtibang tesem ka lir.

RSF ket nungi Khartoum kübok tesem aika meyipa agiba sülen tawa army-i tesem aika atsünga aoba mapang tang iba yimti atsüngogo.

Military otongdar Nabil Abdallah-i, army-i RSF unit raksatsüogo ta metetdaktsü.

Finance Minister Jibril Ibrahim-i ashiba agi, iba jenjang agiba ajanga RSF-i sabanger aliba North Darfur province yimtiba el-Fasher meyipa agütsü asoshi kanga tongtibang asütsü aser iba ajanga Kordofan-i humanitarian teyari yoktsü asoshi lenmang lapoktsütsü.

Sudanese civil society activist Dallia Abdlemoniem-i BBC Newsday programme dang ashiba agi, iba yimti meyipa agiba ya takok tulu aser kanga tongtibang lir.

Lai ashiba agi, RSF-i civilian tem küm anashi yimti nung sota yua liasü. Yimti nung tensa kanga mejungi liasü, ta lai ashiba den iba tesemi mozü mesüra chiyongtsü teyari kecha meyoki liasü, ta shisem. Maneni lai iba tesemi teyari timba yoktsü imlaba lemastepogo.

South Korea nung lenmang ka chirep: Nisung 4 asü



Seoul, Tsüklai/February 25 (Agencies): South Korea nung tang teyangludak aliba highway shilem ka Mongolbarnü chirepba sülen nisung pezü asü aser nisung trok yiruogo, ta fire ketdangsurtemi metetdaktsü.

National Fire Agency-i ashiba agi, linük yimtiba Seoul nungi km 65 shi pilar Anseong yimti nung iba tesem nung nisung 10 mapa inyaka liasü.

Lendong ya anepdang 9:49am (00:49 GMT) nung atalok. Highway apu tangeta aliba meter 50 talang steel structures ka chirepba sülen mapa inyaktertem sabanga liasü.

Iba lendong ya kodaser atalok iba indang osang tejangja memetet.

Ministry of Land, Infrastructure and Transport-i ahiba agi, parnoki iba tesemi ketdangsurtem team ka yokogo.

Iba lenmang yangluba

company Hyundai Engineering-i nisung taküm samaba aser yiruba atema tatok meshiogo.

“Onoki lendong kodaser atalok aji takaratiba nung jangjatsü atema ketdangsurtem den teka amteper inyakdar,” ta company-i ashiba Yonhap News Agency-i metetdaktsü.

Kasa mapang acting tir Choi Sang-mok-i, takaratiba nung azünga aliba personnel tem anidena yoktsü aser lenmang talila raksayonga aoba nungi jenboa alitsü atema jenjang tapet agütsü ayongzüko, ta pa indang office sangdong ka ajanga metetdaktsü.

Choi ya December ita South Korea indang acting tir aküm. Tir Yoon Suk Yeol-i December 3 nü martial law benokba sülen pa mapa nungi agin aser Choi shima liasü.

Yoon taoba hopta preliminary hearing ka atema

okadaki ogo. Pai linük anema inyaksangshitsü merang ta shia ken o benoker lir.

Police-i Yoon January 15 nü apu. Par kima hopta ka tepeyong mangatettep adokba sülen pa pua liasü.

South Korea nung industrial sites tem nung aibene lendong tululu ataloka arudar aser parnoki 2022 küm ozüng ka benokogo aser iba ajanga mapang inyaktertem tekümzüka kübok toktsütsü atema jenjang tapet magiba bentettsü aser mapa inyaker ka mapa nung aliba mapang süra company management merenshitsü.

February ita Busan yimti nung hotel construction site ka nung mi adoka nisung trok asü. Taoba küma June ita lithium battery factory ka nung mi adoka mapa inyaker nisung 23 taküm sama liasü.

UN pangzüng nung US-i Russia den adener

New York, Tsüklai/February 25 (Agencies): Russia-i Ukraine maker küm asem ajungba temaitsü United Nations nung vote agitepdang US anaben tashi Russia den aden, anungji iba rara nung Trump administration tangatetba melenshiba sayur.

New York nung UN General Assembly alidang mezüngbuba Moscow inyakyim aija aser Ukraine litsü-lika wazüka ayutsü atema European Union ajanga pangzüng yangluba nung vote agitepdang Russia, North Korea aser Belarus ama US-i anema liasü.

Iba sülen US-i UN Security Council nung pangzüng ka yanglua vote agütsü, kong rara tatem kati arutsü ayongzüka liasü saka Russia aitsüba maliasü.

Security Council nung pangzüng ya agizük, saka US asoshi tongtipang tembar UK aser France nati ojang tera yanglushitsü merangba veto asüba sülen linük ana yagi voting nung shilem magi.

Rara nung tangatetba khenyongi balala aliba indang bentettsü asoshi France Tir Emmanuel Macron-i White House nung US Tir Donald Trump semdangba mapang UN pangzüng tem ya benoka liasü.

Brehostibarnü British Ato

Kilonser Sir Keir Starmer-ia America lenir tasenba semdangtsü.

Trump indang White House-i transatlantic alliance makepshia tang Moscow ang bhukumer, anungji America-i mapang talangba European security asoshi bendanga agütsür inyaka aruba nung tamang makai akumer.

Hombarnü züngsem 193 aliba UNGA senden nung US diplomats-i Russia-Ukraine rara nung takum samaba mangyima iba rara tekeraba nung tembangtsü ayongzüka liasü.

European diplomats temi zülü tejangjaba benoka iba rara asoshi Russia tenüng asen aser Ukraine indang sovereignty aser territorial integrity bhukuma liasü.

“Tashiyim amshiba ya aitsütsüla aser mesempettsüla ta jangjatsü nüngdaker,” ta Ukrainian Deputy Foreign Minister Mariana Betsa-i ashi.

UNGA züngsem temi European pangzüng bhukumer vote 93 liasü, saka tesüngmangtsüka US-i iba pangzüng anema vote agütsü, kong Russia, Israel, North Korea, Sudan, Belarus, Hungary aser danga linük 11 dena liasü aser linük 65-i shilem magi.

UNGA-i US pangzüng

agizük, saka Ukraine bhukuma ojang kar inokshiba sülen agizük, aser iba yongji US-i vote magütsü.

Iba dang nungi kanga agi tashi taitba züngsem 15 aliba UN Security Council nung rara tembangtsü saka Russia aija maliba US pangzüng ka vote 10 agi agizük, kong UK, France, Denmark, Greece aser Slovenia linük temi shilem magi.

America indang acting envoy to the UN, Dorothy Camille Shea-i US pangzüng ya tongmelang saka otsütsü lir aser tesülen masü tejaklen repranger ta ashi.

Iba pangzüng ya idea tongmelang ka nung rangloker: rara tembangtsü.”

Akhi mapang nungi tembar tajung süa aruba European linüktem den US madenba ya aiben ajangshia mali.

Küm asem tejaklen Russia-i Ukraine amak tenzüker Security Council nung pangzüng kata meyangluteti arur, kechiaser permanent member pongu aliba nungi Russia-i veto tashi amshir.

Iba yongji rara indang jembitsü asoshi UNGA ya tongtipang akumer. Ajisüaka yangji yangluba pangzüng ya Security Council nung ama züngsem linük temi mapa kuma meinyakteter.

Ad-hoc panel tentettsüba atema BFI-i IOA aitsü

Tsüklai/February 25, 2025 (Agencies): Boxing Federation of India (BFI) inyakyim achaayangtsü atema ad-hoc Committee ka tentettsüba atema BFI-i IOA aitsüogo aser ashiba agi, iba inyakyim ya ozüing alema aser National Sports Federation (NSF) indang autonomy nung jushiba ka lir.

Iba osang ya BFI tiri Indian Olympic Association (IOA) tir P.T. Usha nem metetdaksüogo.

IOA-i ashiba agi, BFI-i February 2 nü election magi aser taoba Athletics Federation of India (AFI) treasurer Madhukant Pathak tekolak sür ad hoc panel dang election takaratiba nung

agitsü shiogo. Ad hoc panel nung tanga züngsemtemji Rajesh Bhandari (vice-chairman), DP Bhatt, boxer Shiva Thapa aser Virendra Singh Thakur nunger lir.

“IOA-i iba amala telemtetba ka magi tsüngda BFI ketdangpurtem mesüra tir den tongtepratep masü,” ta BFI-i ashi.

“Indian Olympic Association (IOA) temzüng ozüing kübok ocet 21.5 nung NSF tem dak sendakba nung telemtetba kecha parent International Federation den jelia sensak mesemi aser IOA Executive Committee-i magizüki magitetsü ta shia lir. NSF indang autonomous status ya asadanger anaprongla ya ka

danga minyak,” ta BFI-i ashi. NSF tem election agiba dak sendakba nung IOA kecha tashi mali, saka IOA-i iba tetuyuba ya agütsüogo.

BFI elction atema Ministry of Youth Affairs and Sports (MYAS) den February 2 nü nungi inyakyim tenzükogo, ajisüaka IOA-i inyakyim nung joshitsü telemtetba agiba ya taoksatsüka lir, ta BFI-isa shisem. BFI-i Delhi High Court nung ken o ka benoktsü ta shiogo.

Hombarnü Indian Olympic Association (IOA)-i, BFI inyakyim achaayangtsü atema züngsem pongu agi kümteba ad-hoc Committee ka amenoktsü, kong boxer tejen Shiva Thapa densema liasü.

Matthew Mott Delhi Capitals assistant coach kümogo



Dimapur, Tsüklai/February 25 (Agencies): 2025 küm IPL atema Delhi Capitals (DC)-i Matthew Mott assistant coach asütsü shimogo, ta club sangdong ka ajanga Mongolbarnü metetdaksü.

Mott, Hemang Badani den longjemogo, shiba 2024 küm October ita head coach asütsü shimogo. Team coaching staff

tem rongnung director of cricket Venugopal Rao aser Munaf Patel bowling coach lir.

Mott taoba mapang 2008 aser 2009 küm John Buchanan kübok Kolkata Knight Riders (KKR) nung assistant coach liasü.

England tebur white-ball team-i 2022 T20 World Cup akokba mapang Mott-i tongtibang shilem agia liasü. Pai iba mapang ya 2023 küm July ita tokja liasü.

England team coach mapa inyakba sülen pa Sydney Sixers nung assistant coach ama inyaka liasü.

Pai takok angubatem rongnung Australia tetsür cricket team-i 2015 küm T20 World Cup aser 2022 küm 50-over World Cup akokba densema. Pa lenisüba nung Australia tetsür cricket team-i

Ashes series pezü atonga koka liasü.

Kasa mapang nung DC puri tang tashi nung IPL nung tajungtiba asayabaji 2020 küm final tonga asayaba ya asütsü aser parnok taoba season trokbuba nung tembanga liasü.

Temelenshi aika bener aruba sülen parnoki Axar Patel, Kuldeep Yadav, Tristan Stubbs aser Abishek Porel nunger yuogo. Parnoki November ita auction mapang KL Rahul, Harry Brook, Faf du Plessis aser Mitchell Starc nunger alizüka liasü.

Team-i tang tashi captain sangdonga mali. 2025 küm DC pur mezüngbuba asaya March 24 nü Lucknow Super Giants den Dr. YS Rajasekhara Reddy ACA-VDCA Cricket Stadium, Visakhapatnam nung asayatsü.

Watinungsang international coach debut asütsü renemer



Taoba mapang South Africa nunger nüngtugu cricket asayar Jonty Rhodes den tangokba noksa nung angur.

Dimapur, Tsüklai/February 25 (TYO): Ajaki kanga yonga ataba South Africa Masters aser Sri Lanka Masters na asaya February 26 nü asayatsü. Iba asaya ya JioStar aser Colour Cineplex nung aonung 7:30 ako nungi tenzüka sayutsü. Asaya ya Navi Mumbai nung D.Y. Patil Sports Stadium nung asayatsü. Nagaland nungi

Watinungsang, shiba South Africa tem indang assistant coach lir, pa international coach debut asütsü renemdar. Pa ya Northeast India nungi mezüngbuba international cricket coach lir.

Iba den bendenloksema pa ya fast bowling coach ka lir aser bowling speed tali kümdaktsütsü atema pai tasa tajung bena lir.

U-23 preliminary basketball trials tembangogo



Dimapur, Tsüklai/February 25 (TYO): Mezüngbuba U23 National Basketball Championships atema U-23 Basketball trials preliminary round, Kohima aser Dimapur nung takok ngua tembangogo. Iba asayamung ya Guwahati Assam nung asayatsü.

Ajak senteper trials nung tebur 93 aser tetsür 42-i shilem agia liasü. Dimapur nung trails

ya Tetso College Basketball Court nung agi, kong tebur 48 aser tetsür 19-i shilem agia liasü. Kohima atema trails ya Don Bosco College Basketball Court nung agi, kong tebur 45 aser tetsür 23-i shilem agia liasü.

Preliminary round nung tebur 28 aser tetsür 24 shimogo aser parnok ya March 1 nü 11 ako nungi tenzüka Medzephima Indoor Basketball Stadium nung

tatembangbuba trials agiba sülen shimtsü. Shimer aliba asayatem ajaki original Aadhar card aser birth certificate bener arutsü metetdaksüogo.

Tatembangbuba selection aser National Championships dak sendakba nung osang tejangjaba mapang tatsüka tsüngda agütsütsü, ta NBA Hon. Secretary Sentiningsang Longkumer-i metetdaksü.

Stokes taküm Hundred nung masayatsü

Tsüklai/February 25, 2025 (Agencies): England Test captain Ben Stokes, küm tatemlen Australia nung oa Ashes asayatsü atema temang anepalua atatsü asoshi taküm Hundred asayamung nung shilem magitsü telemtetba agiogo.

Arishi küm 33 tain Stokes, ya Northern Superchargers puri meyipa magi-i liasü. Team-i 2025 asayamung atema asayar tasen shimba aser parnoki meyipa agiba asayatem tenüng sangdongogo.

Stokes ya December ita England team New Zealand nung oa asayaba mapang hamstring tabelen yirua liasü. Pa

August ita Superchargers nungi asayba mapang kasa hamstring ya yirua liasü. Pa surgery agitsüsa aküm aser ita asem masayatetsüsa kümogo.

England team taruba Test asayaji May ita Zimbabwe den Trent Bridge nung asayatsü lir, ajisüaka Durham nungi asayar Stokes ya April ita County Championship season tetenzükba mapang tashi nungbo temang tajungba kümer atatsü merangdar.

England team India den Test asaya pong asayaba sülen anogo ka lir August 5 nü Hundred ya tenzüksü aser Ashes ya Perth nung November 21 nü tenzüksü.

BILEMDANGANG

“Tesüiba tatalokbatem agi nü tarutsü teraksadaksü.”